

靜晝常關永懷開國規模遠再拜歸來恨滿山

麒麟窟

山前窟穴最深幽聞道真人昔此留麒麟自馴天上
至鬼神為導地中遊冥冥有路通仙府渺渺無蹤絕
俗流語怪縱然非聖道題詩聊記所傳由

箕城懷古

聞說鴻荒日檀君降樹邊位臨東國土時在帝堯天
傳世不知幾歷年曾過千後來箕子代同是號朝鮮

麒麟窟

李詹

往事悠悠在且神城東有窟號麒麟明王從此朝天

上巨石依然在水濱沆水源深堪避世仇池穴窄僅
容身流傳足可供談笑過客何煩辨偽真

朝天石

江石磐陀四面通朝天遺跡竟成空蒼根屹立中冷
水白浪舂撞兩岸風雲物暗連麒麟窟月華分照帝
王宮魚龍寂寞仙遊遠留與苔磯坐釣翁

永崇殿

朝暮齋官謁 柘黃闕宮清靜水沉香箕封千載朝
鮮國統合三韓 祖聖王八彩祥雲橫華岳 重瞳
端日照扶桑鴻圖永固乘來裔 玉葉金枝福祿昌

南浦

金宗瑞

送客江頭別恨多
管絃淒斷不成歌
天教風伯阻旌
旆一夕大同生晚波

李克堪

江上雪消江水多
夜來聞唱竹枝歌
與君一別思何
盡千里春心送碧波

浮碧亭

金時習

不堪吟上涇江亭
嗚咽江流斷腸聲
故國已銷龍虎
氣荒城猶帶鳳凰形
汀沙月白迷歸鴈
庭草烟收點
露螢風景蕭條人事
換寒山寺裏聽鐘鳴

帝宮秋草冷淒淒
迴磴雲遮徑轉迷
妓館故基荒薺
合女牆殘月夜烏啼
風流勝事成塵土
寂寞空城蔓
蒺藜唯有江波依舊
咽滔滔流向海門西

涇江之水碧於藍
千古興亡恨不堪
金井水枯垂薜
荔石壇苔蝕擁檉楠
異鄉風月詩千首
故國情懷酒
半酣月白倚軒眠
不得夜深香桂落
氍毹

中秋月色正嬋娟
一望孤城一悵然
簷子廟庭喬木
老檀君祠壁女蘿緣
英豪寂寞今何在
草樹依稀問
幾年唯有昔時端
正月清光流彩照
衣邊

月出東山烏鵲飛
夜深寒露襲人衣
千年文物衣冠

平壤志
十三
盡萬古山河城郭非聖帝朝天今不返閑談落世竟
誰依金輿麟馬無行跡輦路草荒僧獨歸
庭草秋寒玉露凋青雲橋對白雲橋隋家士卒隨鳴
瀨帝子精靈化怨蛭馳道烟埋香輦絕行宮松偃暮
鍾搖登高作賦誰同賞月白風清興未消
東亭今夜月明多清話其如感慨何樹色依稀青蓋
展江流歛艷練裙拖光陰忽盡若飛鳥世事屢驚如
逝波此夕情懷誰了得數聲鐘磬出烟蘿
故城南望涇江分江碧沙明叫鴈群麟駕不來龍已
去鳳吹曾斷土為墳晴嵐欲雨詩圓就野寺無人酒

半醺忍看銅駝沒荆棘千年蹤跡化浮雲
草根咽咽泣寒螢一上高亭思渺茫斷雨殘雲傷往
事落花流水感時光波添秋氣潮聲壯樓籬江心月
色涼此時昔年文物地荒城疎樹惱人腸
錦繡山前錦繡堆江楓掩映古城隈丁東何處秋砧
苦款乃一聲漁艇回老樹倚巖綠薜荔斷碑橫草惹
萋萋凭欄無語傷前事月色波聲捲是哀

登大同樓

大同波上大同樓無限雲山散不收楓落涇江秋水
冷霜清箕堞暮烟浮白鷗洲畔月千里黃葦渡頭風

平壤志
滿舟因憶昔年興廢事登高一望思悠悠

大同館

倪謙

平壤漢玄菟邑山建城郭居民夾城住星散皆村落
奉詔抵近郭出迎動鼓樂龍亭覆黃繖儀仗高擎
握公道陳百戲顛倒互觥角彩輿向前導搖曳爭歡
躍更有大字書旗幡半空卓上書何所云大平事耕
鑿鼃兩山相倚工巧勞結縛伶人競歌舞懽呼振寥
廓士女億萬計走視笑且愕借問此誰為觀察使韓
確下馬入館門冠帶集僚幕再拜仍稽顙禮儀忻卒
度為使期不辱眩譎非我樂但令海東涯常戴皇恩

渥

大同江

大同江水濶凍合似鋪瓊迤邐遙通海繁甸近繞城
不愁行處滑惟畏裂時聲涉岸皆平壤州名喜穩情

大同門樓

大同江上見樓臺門鎖荒烟畫不開飛棟入雲星可
摘虛窓近水月先來山羅屏障陰相合樹隱簾櫳翠
作堆咫尺無由一登覽更言海外訪蓬萊

大同江

陳鑑

天書曉出大同城送客樓船渡口橫綠水青山堪入

畫開花野草不知名華庭要遣遲遲飲桂棹先教緩
緩行肯為留連淹使節一鞭又逐馬蹄輕

浮碧樓

薰風徙倚夕陽樓水浸嵐光帶翠流草木都含天地
澤江山不盡古今愁心懸上國勞清夢身在他鄉說
壯遊回首明朝便陳迹雲輶毋惜重淹留

陳嘉猷

矗矗江樓十二闌一尊賓主共開顏雲房僧定禪心
淨石洞仙歸鶴背閑酒散人登青雀舫潮回鷗聚碧
沙灣佳山勝水遊將遍別後能無夢往還

大同

騶從如雲出曉城城東咫尺一江橫錦筵酒勸中朝
使華扁詩留內翰名遠水疑從銀漢落綠舟如在畫
圖行風光儘可供吟興何用樽前舞袖輕

大同館

金堤

四牡日驅馳駸駸抵平壤朝鮮舊封土規制頗宏敞
青山半村市遐睇入莽蒼居民聯部屋出饁具朝餉
聞詔從天來驚忭式瞻仰駢肩夾周道迎樂合羣
響館門候衣帶再拜至稽顙東藩素秉禮茲焉亦可
想皇恩海內外億萬永宣朗

大同江

浪高如屋雨如拳人在江頭泊畫船咫尺樓臺飛不上尋常詩酒慣相牽便拚客路三千里笑作浮生五百年安得魚龍齊起躍掃開雲霧看青天

張寧

平壤孤城發曉裝畫船簫鼓麗春陽島邊雲盡青山出渡口潮通碧海長共喜皇仁同大地不知身在此他鄉清樽且莫頻相勸四牡東風路渺茫

浮碧樓

江流綠淨春無底地核龍葱嵌春水輪囷屢氣吹初

散十二彫欄晃若洗空明倒浸蔚藍天煥香半落靡

蕪渚綠雲淺淡翠烟沉人在琉璃鏡光裏清城仙客

還從東袖携紫玉登蒼虹左招浮邱右關尹酒酣擊

鼓馮夷宮馮夷醉卧呼不醒滿屋蛟珠散衣冷明朝

回望舊遊人一片江上夢中景

自註使還平壤燕浮碧樓因即命名之意

效溫李體為短詞以記興云耳

大同江

高閏

上國頒明詔遐方接近臣畫船斜渡遠高宴淺斟頻岸柳和烟暗江花帶雨新眼者題詠者俱是濟川人不用紅粧用畫船棹歌聲重酒盃傳青山直到江邊

盡兩岸風吹楊柳烟

浮碧樓

九天飛下一凭欄水色山光咲顏坐久只嫌啼鳥
緩興窮猶戀白雲閑風吹僧磬來幽檻潮送漁舟過
別灣爭道人如吕仙子醉乘黃鶴朗吟還

滿地烟霞僧寺數聲雞犬人家彷彿桃源路近流水
浮來落花

張璠

大同江上百尺樓樓前江水年年流天吳睡足碧綃
冷起駕蒼虬樓外遊翠旗搖搖拂雲霧草樹芬芳更

回互畫欄屈曲珠簾深清影重重散還布廣陵狂客
天邊來羅衣舊染蟾宮槐手把玻璃瓶呼取葡萄醅
天吳天吳莫相訝會須一飲三百盃酒酣試縱管城
兔風雨淒其鬼神怒天吳奔走不可招笑指青山問
歸路

一碧浮空去不還誰收佳景盡樓間琅玕色映泓流
樹翡翠光涵隔岸山鏡裏雲霞開美影空中日月自
循環莫教仙子凌波去留與詩人解醉顏

渡大同江朴判書金觀察設宴別請詩留舟中即
席書與

蘇老東風得放拳
儘來江上阻行船
浪花噴雪真堪
懼竹葉浮香且漫傳
醉去只言春似海
愁來還恐夜如年
韓公已矣憑誰訟
聊賦新詩記別筵

浮碧樓

邢順

畫欄朱棟瞰深清
山勢回環兩岸平
萬頃寒光浮不
去一簾飛翠捲還生
晴川芳草難為句
野渡孤舟易感情
兩部戲遊今寂寞
獨留佳景壯西京

大同江

涓水蒼茫繞古城
隔江遙見碧山橫
安東都護空陳迹
破虜將軍謾有名
對景不妨隨處樂
泛舟聊當賞

春行留題
是中朝使應有邦人識
重輕

樓船清曉送行裝
雲淡風輕日載陽
綠蟻滿浮金盞
艷碧鱗爭獻玉梭
長雲山伴我添詩興
蕭鼓催人到
醉鄉笑問涓江何處盡
扶桑東去路微茫

浮碧樓前兩度過
煌煌龍節照江沱
日輪穿動浪花
碎雨脚積來嵐氣多
惟石槎牙撐砥柱
靈源迢遞接銀河
前朝爭職無窮恨
都逐春風入棹歌

高吟恐驚水底龍
促席緩酌何從容
樓舫蕩槳起烟
浪疑是米家書畫舫
沙頭對立雙鷺鶩
驚飛直傍雲山過
主人愛客事遠迎
錦筵吹徹雲和笙
江醅滿泛

平壤懷古
春葡萄醉看兩頰生紅桃魯城山色連雲烟就中綽
約多神仙追隨無路空大笑學仙不似還家好九重
深處光明宮環珮亦與羣仙同人生天地任去留肯
甘海外違中州感君瀛洲塵九斛却愧臨歧酬未得
明朝別去天渺茫馬前送路多羊腸相思一夜頭堪
白鳳凰山高鴨江綠

平壤懷古

張瑾

朝鮮有國臨東海箕子封來幾千載就中平壤是雄
都昔時形勝今猶在岡巒紆鬱田野平樓臺雄傑空
中橫秦初遠作遼東徵漢末新傳王儉城何年併入

扶餘裔復自九都遷此地沈湮滅跡紛來歸渺渺東
西六千里隋兵三舉空擾攘可堪秘記符唐皇金山
得捷薛仁貴洩水成功蘇定方振衰繼絕不旋踵五
代之餘遭有宋玄菟樂浪息紛爭使介聯翩奉朝貢
崇岳遷都久已成長安舊治名西京魯陽城古人非
昔馬邑峰高地有靈胡元不道圖吞併分疆直抵慈
悲嶺西京內屬將百年贏得醒風汗邊境聖明德
化覃八區樂天字小古所無鴨江東畔長安道還入
朝鮮舊版圖居民熙熙事耕鑿女解蠶桑士知學中
華氣習漸染漾文物衣冠宛相若使臣奉詔天上

來登高覽勝襟懷開不領弔古重惆悵寫景新詩聊
爾裁

大同江

春雪消時江水滿春日舒長夜初短忘機唯有江上
鷗春來春去都不管我回奉使來海東陽春到處皆
春融自是皇恩覃萬物眼前花鳥盡從容

浮碧樓

畫船泛罷又登樓樓外江山景倍幽鳥帶烟光橫水
面日浮彩色上窓頭一樽酒盡情無已七字吟成興
不休醉倚欄干望歸鴈數行書寄慰親愁

危樓百尺倚江風隔斷飛塵十丈紅鴈帶烟光橫塞
外日浮霞彩上窓東百篇詩賦襟懷豁萬壑雲烟眼
界空醉拍欄干望西北五雲凝處是宸宮

董越

傑棟層簷出薜蘿凭高一望意何多遠峰秀聳郎官
筆斷崖斜穿織女梭江雨釀寒來樹杪嶺雲分暝落
巖阿悠悠不盡登臨興又上蘭舟聽棹歌

穿雲尋石磴衝雨上高寒樹色凌飛翼江聲入畫欄
誰教風力峻自覺酒腸寬黃鶴磯邊意分明付大觀
大同江

平壤志六
三十一
曉風吹上木蘭舟倚棹停盃看碧流汀樹帶烟迷渡
口漁叢衝雨傍磯頭水盤膾斫銀絲細石鼎茶翻雪
浪浮已遣前驅戒行李一尊仍為主人留
樓船重泛出通津細細晴波漾麴塵翠柳嫩搖絲裊
娜青山倒浸碧嶙峋壺觴又勸歸來客詩句難留過
去春却訝鳬鷗似相識水濱沙渚往來頻
晴日鷗波好放船正逢江岸柳飛綿壺傾綠酒回青
眼盤出清水碎老拳沙脚蒲芽抽白嫩波心魚網躍
鱗鮮臨流愛看春山色不覺令人坐屢遷

淳珀樓

王敬

山閣凌空起孤雲挾雨飛好花臨驛路小艇占漁磯
石磴斜通郭烟村半掩扉主人留客意薄暮肯言歸
輕陰時作暝斷岸且維舟不意皇華使真成赤壁
遊江山供老眼盃盞散春愁花柳如相待東歸盡日
留

謁檀君廟

南孝溫

檀君生我青邱衆教我藝倫湏水邊採藥阿斯今萬
世至今人記戊辰年

大同江

安平大君瑢

弭節春遊別有情舟船行處千鷄鳴湏江設險真天

造羸馬由來不渡澠

趙鑣

日斜風起浪紋多濯錦佳兒隔岸歌莫謂君門千里
遠一江清興亦思波

次正使董公泛大同江韻

申從漢

平蕪淡淡接烟津鏡面澄澄絕點塵酒影暖涵金沆
瀣山光晴侵玉嶙峋四千里路將歸客九十韶光欲
暮春別後相思渺空濶天涯莫惜寄書頻

李德崇

了髻雙鬟嬌意多舟中曾聽踏春歌重遊未遂尋芳

約孫負西湖月似波

暖雲芳草興何多隔岸當聞欸乃歌却恐明朝風雨
惡江中莫遣早生波

風月樓

盧公弼

薔薇花發續殘春風月樓高絕點塵爛醉欲歸歸不
得滿池明月更留人

浮碧樓

李龜

老樹陰陰蔭蒼苔日晚江山翠靄開數點輕鷗橫島
去一天疎雨渡江來暖沙水減潮初落古寺扉關僧
未回往事只憑千歲塔行藏付與謫仙盃

平壤志六

平壤志七

詩

密臺賞春

曹偉

荒臺峨峨錦綉山
斷岸斗絕臨江灣
一夜東風花似錦
烟光草色春斑斑
流光曷曷如飛鳥
滿眼韶華十分好
明朝携酒擬重尋
却恐花殘春已老

浮碧翫月

半空高棟翔虹霓
覽俯瞰大野羣山低
憑欄正值桂輪上
到浸萬頃青玻璃
空明上下漾寒碧
金影閃閃蘆花白
夜深不禁風露寒
更喚飛仙吹鐵笛

永明尋僧

江雲黯黯如抹漆雪花滿地深沒膝騎驢曉出長慶
門石磴路滑驢頻叱古寺居僧尚掩扃隔牆冉冉茶
烟青呼僧談笑共煨芋坐久風來聞塔鈴

普通送客

紅樓高壓綠楊路遊絲落絮飛無數朝來一雨濕輕
塵燕舞鶯啼春正暮日邊何處是神京駢駢四牡催
嚴程一尊酒盡各分袂陽關三疊斷腸聲

車門泛舟

城南咫尺古渡頭江水澄澄如潑油潦水天高積陰

散風烟澹澹橫素秋試泛扁舟並灘瀨滿耳江聲聽
澎湃酒酣相答欵乃歌白鷗飛沒蒼茫外

蓮堂聽雨

石甃方池深更淨萬朵亭亭爛相映靚粧曉日聞嬌
燒翠蓋紅雲搖綠鏡寶閣十二樓上頭細簾捲上珊
瑚鈎嘈嘈雨點聒醉夢忽驚六月涼如秋

龍山晚翠

連巒迤邐如盤龍絕壑窈窕深幾重嵯峨黛色更奇
絕畫中描出金芙蓉半邊帶雨歸雲黑雲盡蒼蒼數
峰立晚來拄頤爽氣多已覺霏霏嵐翠濕

馬灘春漲

涓江日夜流滔滔春來染出碧蒲萄雪消流漸幾篙
漲奔灘怒薄崩洪濤篙師絕叫不得傍一葉輕舸迷
所向乘流一瞥過酒巖桂橈穩泛桃花浪

密臺賞春

成覲

雲開錦繡山光濃牡丹紫翠環重峰臺空石老荒蘚
合仙子一去尋無蹤東風幻出韶機早爛漫群紅復
芳草都人絲管競良辰酒酣齊唱春光好

浮碧翫月

彩暈跂翼紅淨滌上下倒影搖空明姮娥簸揚玉斧

手十二欄曲凝瑤瓊桂花紛紛落香雪散作清輝照
飢骨洞簫聲斷江雲空起瀉黃流雙耳熱

永明尋僧

江頭寒雲橫素練滕六吹弄瑤花片蹇驢偏側石徑
高素門親訪維摩面茶餅細作蚯蚓號者經夜燭紅
流膏鬢絲樺榻風颼颼夜闌共作蒼松濤

普通送客

城西一路平如砥挾路垂楊連十里裊裊黃金萬縷
絲不繫春風遠遊子輕塵不起微雨過幽燕回首愁
雲多攀裾把酒不忍去旁人更唱驪駒歌